



Cash

F

39

.326

1615g

LES
ARTICLES DES
CAYERS GENERAUX
DE FRANCE, PRESENTÉES
par Maistre Guillaume
aux Estats.

SIRE, apres tant de deputés
Dont vos Royalles Majestés
Par prudence & par bien seance,
Veullent escouter la doleance
en ces celebres actions
Pour toutes les confusions,
Tous les bons François du Royaume
Vous deputent maistre Guillaume,
Maistre Guillaume qui iamais
Ne pria Dieu que pour la paix,
Et qu'il souhaite vniuerselle
Tant à Sedan qu'à la Rochelle,
Qu'à ce Chasteau dont present
Ne nous a point esté plaisant,
Que de l'esprit veritable
Qui d'une puissance ineffable
Tient les cours des Roys en ses mains
Et tous les sceptres des humains
Ce personnage incorruptible
Quoy qu'il ne commente la Bible
Ny en Latin ny en François
A la plurallité de voix
De tous vos bons subjects sans brigue
De vieille onde nouvelle ligue
Par la Noblesse & le Clergé
Et le tiers Estat vient chargé,
Des cayers generaux de France
Aucc beaucoup moins d'elloquence

(Bien qu'il n'en manque que ie croy)
Que de zelle à seruy son Roy,
Que si quelque vieux Philôsofe
Le iuge de trop basse estophe
Pour deuant vostre Majesté
Paroistre en ceste qualité,
Qu'il sçache que ce personnage
Possible est homme de son age
Aussi riche en diuers degrez
D'amis & de confederez,
Et dont la ceruelle annoblie.
Des plus hauts secrers de folie
Pour sçauoir par ou sont glissez
Les abus des siecles passez
Qui tiennent toute l'assemblee
Maintenant confuse & troublee
Faites donc Sire seullement
Par vostre expres commandement
Enioindre a chacun de se taire
Cependant que son Secretaire,
Vous tirera de ses papiers
Tous les articles & cayers,
Par lesquels chacune Prouince
Le reigle au vouloir de son Prince.

ENSVI

ENSVIVENT LES AR-
ticles des cayers generaux de
France pour l'Estat
Ecclesiastique.

Cayer pour le Clergé.

PRemierement toute l'Eglise
Conclud que son droit de franchise
Des Papes ne soit limité
Et qu'à c'est effect le saint Siege
S'il est besoing soit exhorté
D'en donner nouveau priuillage.

Qu'on contraigne les Calvinistes
Aussi bien que les Iesuites
De soub signer ce concordat
Et qu'on ne souffre Abbé ny Prestre
Ny Ministre dans vostre estat
Qui ne nous tienne pour son Maistre.
Que sous la Mitre Episcopalle
L'on puisse passer sans scandale
Sa vie en festins & en ieux
Laiissans ceste rigueur extreme
Des ieusnes aux Religieux
Avec les Sermons de Carefme.

Qu'aux cayers de l'estat on lise
Le lot d'un Prince de l'Eglise
Qui par sa Croix de Diamant
Plus qu'au inuention secrette
Letta le premier fondement

4
Qui doit renuerfer la Paullette.

Que l'on fera droit sur la plainte
D'une Dame deuote & sainte
Seule pretendant aux lieux saints
Dont l'huile de la sainte Empouille
Distille pour le mal des reins
Sans qu'on y puisse aller en fouille.

Que celui qui des iouets infames
Sur les fesses des simples femmes
Imprimois la deuotion
Souffrira sur la discipline
De son ordonnance maligne
Pour sa Canonisation.

Que l'Eglise tiendra pour sainte
La Dame qui sans estre enceinte
N'agueres accoucha dans Paris
D'un fils qu'on nomme de sia pere
Dont le mary fut le compere
D'un soudain miracle surpris.

Qu'a peine d'auoir le Chappitre
Nul n'ira plus avec la mittre
L'eau des moulins sanctifier
Et qu'avec toute sa doctrine
Tout Prelat de mesme farine
D'eniendra d'Euesque Musnier.

Qu'affin que mieux on autorise
Les Doctes Pasteurs de l'Eglise,
Auiourd'huy l'on Imprimera
Souuent quelque petit volume
Soubs le faux nom d'un qui n'aura
Que d'un autre emprunté la plume.

Qu'a l'estat des folles despences
On touchera les recompenses

Dun

D'un Euesque assez reconnu
 Qui souffle aujourdhuy l'alchimie
 D'auoir pour l'armee ennemie
 Engagé Mitre & reuenue.

Que de ce Prelat qu'on renomme
 Pour son zelle en France & à Rome
 Sera blasonnee dedans l'an
 L'honneur violente & brutalle
 D'auoir estably le brelan,
 Dedans sa ville avec scandale.

Qu'ainsi que parmy les Apostres
 Vn pescheur par dessus les autres
 Obtint la domination
 Un vendeur de fraische maree
 Viendra du coste de Lyon
 Presider en ceste assemblee.

Que tous propos de flaterie
 Et d'eloquence affeterie
 De ceste Cour on bannira
 Et afin que mieux on y veille
 Que chez le Roy plus on n'ira
 De Cotton remplir son oreille.

Que comme és Eglises Grecques
 Tous Prieurs, Abbez & Euesques
 Au Cellibat demeureront
 Et nourriront sous la fontaine
 Autant de femmes qu'ils pourront
 Selon la Loy Mahometaine.

Que tous Moines apres le seruice
 Soit Profes ou bien Nonne,
 Pour mieux garder le droit humain
 Souuent sous le froc & la haire

*Se pourront servir de la main
En quelque recqing solitaire.*

CA Y E R S P O U R LA NOBLESSE.

*Q*ue dessus vn faux bruit de guerre
Nul n'engagera plus sa terre
Et que nous vous servirons tous
Sans que plus rien nous mescontente
D'obtenir des bienfaits de vous
Plus par deuoir que sur l'attente.

Que desormais ny Ducs ny Princes
N'entreprene sur vos prouinces
A peine s'ils n'ont descouuers
Dessus la moindre pecadille
D'estre logez dans la Bastille
Pour apprendre a faire des vers.

Que l'on sursoira les supplices
De Verdun & de ses complices
Jusqu'à ce que Poitiers soit pris
Et que l'on ayt par nouueau zelle
Quitté la meslee de Paris,
Pour les mutins de la Rochelle.

Que l'on se rira par la ville
D'un Prince courtois & habille
D'auoir par ses conseils trop lents
Quitté la Roule & la Denise
Que ses ayeulx ont tousiours prise
Alors qu'ils en ont eu le temps.

Qu' au Louure on pourra prendre en bosse
Le modelle d'un grand Collosse,

Dont

Dont on ne tiendra désormais
 Le peu de discours pour oracle,
 Mais d'une Idolle qui jamais
 Ne parla qu'avec grand miracle.

Qu'on otera de l'ordinaire
 De nostre Roy trop debonnaire
 Le goust de ce bouillon mauuais
 Et trampe d'une intemperance
 Insatiable de bienfaits
 Pour la ruyne de la France.

Qu'une ame timide & poultronne
 Des offices de la Couronne
 Pourra iouyr & nonobstant
 Le bruit & la plainte importune
 Des coyons qui s'en faschent tant
 Qu'à l'Ancre on tienne la fortune.

Que pour estre grand chez son Prince
 Et gouverneur d'une Prouince
 Il suffira d'estre discret
 Propre amoureux & de sa Dame,
 Jamais ne dire aucun secret
 Qui luy puisse tourner à blasme.

Que le Roy deuant qu'il soit guere
 Sera comme estoit son feu Pere
 Craint des meschans aymé des bons
 Et fera cesser les boutades
 Des plus déterminés Gascons
 A faire des Rodomontades.

Qu'en faisant droit sur la requeste
 D'un Financier à grosse teste
 En sa charge il sera remis
 Pourueu que plus il ne brigande
 Et deuant que rentrer il rende

Tous les larcins qu'il a commis.

Que le procès de pucelage

Rauy sous foy de Mariage

Sera iugé selon la Loy

Et coustume de Normandie

Qui permet que l'on se dedie

Et fauce impunement sa foy.

Qu'on blasmera ce chef d'armee

De qui Pallas estoit charmee,

Pour ses beaux cheueux auoir veus

Faisant mal à propos retraicte

Sous les estendards de Venus

Laisant sa gloire moins parfaite.

Que les plus zelles Catholiques,

Feront des prieres publiques

A tous les premiers iours de l'an

Que pour la paix vniuerselle

Ne soit iamais selon saint Iean

L'Euangile de la Rochelle.

Que du Philosophe Epicure

La doctrine autres fois obscure

En faueur des bons courtisans

A Paris sera respectee

Et chastement interpretee

Dans la rue des bons enfans.

Que pour authoriser ses flames.

Amour des plus cruelles Dames,

Rabaissera bien tost l'orgueil

Et ne faudra qu'une parolle,

Ou un seul regard de bon œil

Pour luy faire auoir la verolle.

Qu'à fortune un pourtrait l'on face

[A long]

A longs cheveux devant la face,
 Aussi bien qu'à l'occasion
 Afin que personne n'espere
 De la prendre par le derriere
 Sans encourir punition.

Qu'il soit fait outre l'ordinaire
 Un bel estat imaginaire
 Pour les nouvelles pensions
 Moyennant que l'on y ordonne
 Toutes les assignations
 Sur quelque nouvelle Couronne,

CAYER POUR LE

tiers Estat.

Que tous vos bons subiects de France
 Dessous l'equitable silence
 De vos loix soyent assuiectis
 Et que l'auare tyrannie
 Des grands qui mangent les petits
 Ne demeure plus impunie.

Que vostre Royale puissance
 Estouffera de sa naissance
 Le seditieux attentat
 Des reformateurs dont la bande
 Tascheur de reformer l'Estat
 Aux vs & coustumes d'Hollande.

Que pour mettre en meilleure forme
 Une quantité si enorme
 De petits & de grands larrons
 Aux gibers & dessus la rouë
 Force bonnets carrés & ronds
 Pourront faire au passant la mouë.

Que sans honneur & conscience
 Avec beaucoup plus d'impudence
 Que l'on n'auoit point fait encor
 On fera gloire de reduire
 Force petits morceaux de cire
 En tout autant de lingots d'or.

Que iamais plus on ne choisisse
 Sur sa morgue vn chef de iustice
 Qui pour fortifier ses droits
 Fit par le moyen de sa femme
 Deuant l'un de nos plus grands Roys
 Vne production infame.

Que l'on imposera silence
 A celui de qui l'insolence
 Feignant de parler pour le Roy
 Sous vne vaine hypocrisie
 Maintenant au mespris de la foy
 L'impieté de l'heresie.

Qu'au chemin plus escart des landes
 Les volleries les plus grandes
 S'exerceront publiquement
 Sans que de tels excès on ose
 Iamais se plaindre au Parlement
 Sur peine de perdre sa cause

Que d'une façon libre & franche
 L'on pourra voir de branche en branche
 Vn, cocu monter par honneur
 S'estant de poisson maritime
 Metamorphosé en seigneur
 Avec le temps sans legitime

Qu'assin qu'à nos Parlemens cesse
 L'oïsueté & la paresse
 Les ieunes Conseillers pourrons

Alors

Alors qu'ils auront peu d'affaire
Et à tel' heure qu'ils voudront
Venir estudier à l'espere.

C A Y E R P O U R

les Dames.

Q'outre les trois estats la Reyne
Par sa puissance souveraine
Pour son costé en establira
Encore vn dont la remonstrance
Sans autre forme seruira
De Loy inuiolable à la France.

Que sa graue & chaste presence
D'omptera toute la puissance
Et les vains efforts des mutins
Affin qu'en ses iours elle voye
Tout ce que nos meilleurs destins
Nous promettent d'heur & de ioye.

Que desormais dedans le Louure
Il n'y ayt Dame qui ne cointe
D'un monchoir sa gorge & son sein
Ou pour le moins, si par rencontre
Ou bien seance elle se monstre
Que ce ne soit pas sans dessein,

Que aux villes & en la campagne
Le blanc & le rouge d'Espagne
Sera vendu & debité
Et toutes sortes de receptes
Pouuants conseruer leur beauté
Et les rendre encor plus parfaites.

Que l'autorité maritale
Qui ne cause que scandale

N'aura plus de lieu à la Cour
 Et qu'on pourra sans ialousie
 A qui que soit rendre en amour
 Toutes sortes de courtoisie.

Que ceste importune presence
 D'un mary plain d'insuffisance
 Ou de quelque fascheux parens
 N'empeschera l'amant de dire
 Ou d'exprimer son doux martire
 Au moins en gestes apparans.

Que nul iamaïs n'aura à faire
 Ny dire rien que pour complaire
 A la Dame qu'il seruira
 Viuant tousiours en ceste crainte
 Sans que celle qu'il aimera
 Participe à ceste contrainte.

Qu'on pourra sans estre hiprocrite
 Viure à la Franche Marguerite
 Et iusqu'à sa derniere fin
 Couuer au fonds de sa poitrine
 Le brasier ardent de Cyprine
 Entretenir l'amour diuin.

Que l'on verra de Cellidee
 Des beautez la parfaite idee
 Le taint remis en peu de iours
 Et autour de sa tresse blonde
 Et des deux plus beaux du monde
 Follastrer dix milles amours.

Qu'en peu de iours d'un voile sombre
 Cloris ne tiendra plus à l'ombre
 Ces deux beaux Soleils si long temps
 Ou que si elle y continue
 Qu'ils ne seront pas moins ardans

Pour

Pour les courrir de ceste nuë.

Que des vrais amans les saints zelles
Aux oracles des trois pucelles
Seront consultez à Paris
Comme aians autant qu'un Prophee
Pour les misteres de Cipris
D'especulation secrette.

Qu'à un cocu mellancollique
Sera commandé la replique
Et sur peine d'estre battu
De quitter la ialouse enuie
Qu'il porte a ceux qu'amour conuie
De rendre honneur à sa vertu.

Que sans desroger à Noblesse
Chacun pourra par Gentillesse
Quitter pour un temps son mestier
Faisant gloire auant qu'il soit guere
De bien piller dans un mortier
Comme un bon maistre Apoticaire.

Qu'outre les plaintes arrestees
Autres pourront estre adionstees
Selon l'exigence des cas
Qu'à cest effect maistre Guillaume
Pourra en recenoir aux Estats
De toute: les parts du Royaume.

F I N.

De l'usage de la langue française
 On a vu que la langue française
 est la plus belle et la plus utile
 de toutes les langues. Elle est
 la plus douce et la plus agréable
 à l'oreille. Elle est la plus
 claire et la plus facile à
 comprendre. Elle est la plus
 noble et la plus digne de
 l'homme. Elle est la plus
 utile et la plus nécessaire
 à la vie de l'homme. Elle est
 la plus belle et la plus utile
 de toutes les langues.



